




**Republika e Kosovës**  
**Republika Kosova - Republic of Kosovo**

**ZYRA E RREGULLATORIT PËR ENERGJI**  
**REGULATORNI URED ZA ENERGIJU**  
**ENERGY REGULATORY OFFICE**



Prishtinë, 25 shtator 2024



Nr. 1066/24

Data 25.09.24

Nga: **Ymer Fejzullahu**, Kryesues i Bordit të ZRRE-së

Për: **Z. Mesut Serhat Dinç**, Kryeshef Ekzekutiv, KESCO Sh.A

Kopje: **Znj. Artane Rizvanolli**, Ministre e Ekonomisë

**Z. Arben Loshi**, Zavendësues i Sekretarit të Përgjithshëm të Kuvendit të Kosovës

**Z. Ferat Shala**, Kryesues i Komisionit për zhvillim ekonomik, tregti dhe industri

**Znj. Rudina Heroi-Puka**, Drejtoreshë e Departamentit për Shërbim ndaj Konsumatorit, Tarifa dhe Çështje Rregullative, KESCO Sh.A

**NJOFTIM - Shqyrtimi i vlerave hyrëse dhe Shpenzimeve Operative për Furnizuesin me Shërbim Universal për periudhën 2025-2027**

Zyra e Rregullatorit për Energji ( në tekstin e mëtejshëm: ZRRE), bazuar në obligimet ligjore ju drejtohet për të prezantuar planet për procesin e shqyrtimit të vlerave hyrëse dhe shpenzimeve operative për Furnizuesin me Shërbim Universal (FSHU), për periudhën trevjeçare 1 prill 2025- 31 mars 2027.

ZRRE ka zhvilluar legjislacionin sekondar në bazë të të cilit ka krijuar kornizë gjithëpërfshirëse rregullative në shërbim të zbatimit të direktivave Evropiane dhe ligjeve vendore. Një nga aspektet rregullative thelbësore për funksionimin e tregut të energjisë elektrike në Kosovë është siguria e furnizimit për konsumatorët me të drejtë të shërbimit universal.

Detyrimet ligjore në rastin e furnizimit me energji elektrike në kushte të rregulluara, përkatësisht të furnizimit me shërbim universal janë të përcaktuara në Ligjin për Energjinë Elektrike, ku sipas *Nenit 37 theksohet se: Për të siguruar ofrimin e furnizimit në kuadër të shërbimit universal, Rregullatori mund të ngarkojë me obligime të shërbimit publik cilindo furnizues sipas kriterëve dhe kushteve të përcaktuara me nenin 5 të këtij Ligji, duke obliguar atë që të ofrojë furnizim me energji elektrike konsumatorëve që gëzojnë të drejtën e furnizimit në kuadër të shërbimit universal. Këto obligime duhet të vendosen në licencën e të ngarkuarit me obligime të shërbimit publik.*

*Gjithashtu sipas këtij neni theksohet se: në rast se synimet e shërbimit universal nuk mund të arrihen në kushte të tregut, Rregullatori mund të rregullojë çmimet e energjisë elektrike të blerësve fundorë që gëzojnë të drejtën e furnizimit në kuadër të shërbimit universal, me kusht që të jetë në përputhje me kushtet e përcaktuara në paragrafët 4. deri 8. të këtij neni.*

*Ndërsa me Nenin 38 të këtij Ligji, përcaktohet se: për aq kohë sa çmimet e energjisë elektrike të furnizuar nën obligimin e shërbimit publik janë të rregulluara nga Rregullatori, këto çmime duhen miratuar nga Rregullatori në pajtim me metodologjinë e miratuar prej saj.*

Rregulla e të Hyrave të Furnizuesit me Shërbim Universal përcakton obligimet në Nenin 6, *ku theksohet se: Obligimi i shërbimit universal duhet të vendoset mbi furnizuesin e shërbimit publik dhe do të rishikohet të paktën çdo tre (3) vjet ose një periudhë më të shkurtër sipas vlerësimit të Rregullatorit.*

*Ndërsa me Nenin 9 të kësaj Rregulle përcaktohet se: Vlerat hyrëse të cilat përdoren për llogaritjen e të hyrave të rregulluara të shërbimit universal të FSHU-së do të caktohen gjatë shqyrtimeve të vlerave hyrëse. Ndryshimet në vlerat hyrëse duhet të bëhen vetëm në atë masë që këto ndryshime të jenë të arsyeshme, të justifikuara dhe të caktuara me kujdes.*

ZRRE me Vendimin V\_1925\_2024 të datës 02.04.2024 ka vendosur Obligim të Shërbimit Publik (OSHP) për KESCO për furnizim me energji elektrike konsumatorëve që gëzojnë të drejtën e furnizimit në kuadër të Shërbimit Universal (FSHU).

Rregulla për Vendosjen e të Hyrave për Furnizuesin e Shërbimit Publik<sup>1</sup> përcakton procesin e përshtatjeve vjetore për FSHU-në. Procesi i përshtatjeve vjetore për vlerat hyrëse është përcaktuar në Nenin 12, që përcakton vlerat hyrëse e që janë parametra kryesor për llogaritjen e të hyrave të rregulluara të Shërbimit Universal.

Vlerat hyrëse që do të rishikohen gjatë këtij procesi janë si më poshtë:

- Jetëgjatësia e aseteve;
- Marzha me pakicë;
- Faktori i efikasitetit;
- Niveli i lejuar i borxhit të keq;
- Faktori ndarës i jobalanceve; si dhe
- Ndonjë parametër tjetër që Rregullatori mund ta konsiderojë të nevojshëm.

Në mënyrë që të bëhet një vlerësim më i saktë i gjendjes aktuale në lidhje me vlerat hyrëse, FSHU duhet të paraqesë të dhënat historike dhe analizat e detajuara në lidhje me borxhin e keq, marzhën me pakicë dhe jobalancet e FSHU-së (me qëllim të vlerësimit të faktorit ndarës), të cilat do të përcaktohen për periudhën e ardhshme 3 (tre) vjeçare.

Me Rregullat në fuqi gjatë këtij procesi do të përcaktohen edhe kostot e operative për FSHU, ZRRE kërkon nga KESCO (FSHU) që të paraqesë të gjitha të dhënat ashtu siç kërkohet, duke përfshirë kostot aktuale dhe të lejuara, kostot operative dhe të mirëmbajtjes si dhe kostot kapitale, për periudhën 2022-2024 si dhe propozimin për tri vitet në vazhdim (2025-2027). KESCO duhet të paraqesë kostot e ndara për konsumatorët në kuadër të FSHU si dhe atyre të derregulluar dhe shërbimet e përbashkëta për të dy llojet e konsumatorëve, duke definuar edhe çelësin e alokimit të këtyre kostove. Gjithashtu, është e domosdoshme të paraqiten kostot për shërbimet e përbashkëta në mes të KESCO dhe KEDS, në të njëjtin parim. Rregullatori do të bëjë azhurnimet e rregullta vjetore për FSHU brenda afateve të përcaktuara me rregullat aktuale të vendosjes së të hyrave.

---

<sup>1</sup> Rregulla ZRRE/Nr.15/2017



ZRRE me këtë rast përcakton Orarin indikativ për procesin e përcaktimit të vlerave hyrëse dhe të shpenzimeve operative për FSHU i cili do të jetë si në vijim:

- Inicimi i procesit të vlerave hyrëse nga ZRRE, 25 shtator 2024;
- Përditësimi i të dhënave në formatet e dorëzuara në ZRRE dhe i propozimeve për vlerat hyrëse dhe shpenzimeve operative nga FSHU do të dërgohet te Rregullatori deri më 14 tetor 2024, apo 20 ditë kalendarike prej ditës së pranimit të kësaj shkrese;
- ZRRE do të shqyrtojë dhe publikojë propozimet preliminare brenda 25 ditëve kalendarike nga pranimi i aplikacioneve nga KESCO;
- Diskutimi publik do të zgjasë 14 ditë kalendarike. Brenda kësaj periudhe KESCO dhe të gjitha palët e interesit mund të paraqesin komentet e tyre;
- ZRRE, pas vlerësimit të komenteve do të paraqes propozimin përfundimtar për shqyrtim nga Bordi i ZRRE-së; dhe,
- Aplikimi i KESCO për tarifën me pakicë për konsumatorët fundorë, do të bëhet sipas orarit të përcaktuar në Rregullën e të Hyrave të FSHU-së.

Ky orar është indikativ dhe mund të pësojë ndryshime.

Për çdo paqartësi apo informacion shtesë, ju lutem mos hezitoni të na kontaktoni.

Me respekt,

Ymer Fejzullahu

Kryesues i Bordit të ZRRE-se

